



U P U T S T V O
o dodjeli i prestanku mandata
(Prečišćeni tekst)

Sarajevo, maj 2024. godine

Na osnovu člana 2.9 stav (1) tačka 2. a u vezi s članom 1.10 stav (3), 9.5, 9.6, 9.8 i 13.5 Izbornog zakona Bosne i Hercegovine ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i članom 18. Poslovnika Centralne izborne komisije Bosne i Hercegovine ("Službeni glasnik BiH", br. 29/18, 25/20 32/23), Centralna izborna komisija Bosne i Hercegovine je, na 20. sjednici održanoj 03.05.2024. godine, utvrdila

U P U T S T V O
o dodjeli i prestanku mandata
(Prečišćeni tekst)

POGLAVLJE I. UVODNE NAPOMENE

Član 1.
(Predmet)

Uputstvom o dodjeli i prestanku mandata (u daljnjem tekstu: Uputstvo) se utvrđuje:

- a) način dodjele mandata (član 9.5, 9.6, 9.7 i 9.10 Izbornog zakona BiH),
- b) postupak žrijebanja (član 9.8 stav (1) Izbornog zakona BiH) i
- c) način prestanka i postupak utvrđivanja prestanka mandata izabranom članu organa vlasti prije isteka vremena na koje je izabran, na svim nivoima neposrednih i posrednih izbora u Bosni i Hercegovini obuhvaćenih Izbornim zakonom Bosne i Hercegovine (u daljnjem tekstu: Izborni zakon BiH) i postupak dodjele mandata sljedećem kvalificiranom kandidatu sa liste iste političke stranke (član 1.10 Izbornog zakona BiH).

Član 2.
(Učešće u dodjeli redovnog mandata – član 9.5 Izbornog zakona BiH)

Politička stranka, koalicija, lista nezavisnih kandidata i nezavisni kandidat ne može učestvovati u raspodjeli mandata ako ne osvoji više od 3% od ukupnog broja važećih glasačkih listića u izornoj jedinici.

POGLAVLJE II. POSTUPAK ŽRIJEBANJA

Član 3.
(Žrijebanje – član 9.8, 9.12 stav (3), 9.7, 11.7, 13.5, 13.14 stav (10) i stav (15), 19.6, 9.12 stav (3), 9.15 stav (2), Poglavlje 10 – potpoglavlje B i Poglavlje 11A Izbornog zakona BiH)

Žrijebanje se provodi ako je prilikom raspodjele mandata rezultat isti zbog identičnih količnika, kao i kod popune predstavničkih tijela, gdje je obavezna raspodjela mandata svih neposrednih i posrednih izbora iz konstitutivnih naroda i iz reda ostalih.

Član 4.
(Mjesto žrijebanja)

(1) Žrijebanje se provodi u prostorijama Centralne izborne komisije BiH najkasnije u roku od 7 (sedam) dana od dana prijema izvještaja.

(2) Centralna izborna komisija BiH, po utvrđenom datumu žrijebanja, obavještava političke subjekte koji učestvuju u postupku žrijebanja o vremenu i mjestu gdje će se održati žrijebanje, najkasnije 24 sata prije održavanja žrijebanja.

(3) Obavještavanje o žrijebanju vrši se telefonom, faksom, poštom ili elektronskom poštom.

Član 5.
(Lica)

Žrijebanje obavljaju državni službenici iz Sekretarijata Centralne izborne komisije BiH, koje odredi Centralna izborna komisija BiH.

Član 6.
(Javnost žrijebanja)

(1) Žrijebanje je javno i mogu mu prisustvovati sva zainteresirana lica.

(2) Centralna izborna komisija BiH javnost obavještava o vremenu i mjestu žrijebanja saopćenjem za javnost i putem svoje web-stranice www.izbori.ba, najkasnije 24 sata prije održavanja žrijebanja.

Član 7.
(Postupak žrijebanja)

(1) Žrijebanje se provodi na jedan od sljedećih načina:

a) POLUAUTOMATSKO GENERIRANJE

- 1) službeno lice koje odredi Centralna izborna komisija BiH će klikom na dugme pokrenuti pretraživanje baze političkih subjekata, odnosno kandidata, nakon čega će ista osoba nakon proteka određenog vremenskog perioda, klikom na dugme zaustaviti pretraživanje navedene baze, čime će se metodom slučajnog uzorka pojaviti naziv političkog subjekta odnosno ime kandidata, sa automatski dodijeljenim rednim brojem koji odgovara redoslijedu izvlačenja uz vizuelnu prezentaciju kompletnog postupka ili

b) MANUELNO GENERIRANJE

- 1) listići s imenima kandidata i nazivom političkog subjekta s identičnim količnikom ubacuju se u identične neprozirne kuglice koje se potom stavljaju u providnu posudu za žrijebanje, nakon čega se pristupa njihovom izvlačenju i

- 2) lice koje je odredila Centralna izborna komisija BiH prvo će rukom izmiješati sve plastične kuglice, a potom će izvući jednu po jednu plastičnu kuglicu koliko je potrebno da se dodjeli mandata s imenom političkog subjekta, odnosno kandidata s identičnim količnikom i naglas saopćiti ime političkog subjekta, odnosno kandidata koji je izvučen. Mandati se dodjeljuju u skladu sa redoslijedom kako su izvučene kuglice.

(2) Na naprijed navedeni način utvrdit će se koji je politički subjekt, odnosno kandidat s identičnim količnikom osvojio mandat odnosno mandate.

(3) Postupak žrijebanja dodjele mandata identičan je i postupku žrijebanja za oduzimanje mandata, ako je za tu procesnu radnju potrebno izvršiti žrijebanje.

(4) Nakon izvršenog žrijeba iz stava (1) tačka b) ovog člana, lice koje je odredila Centralna izborna komisija BiH otvara preostale plastične kuglice i sadržaj tih kuglica stavlja na uvid javnosti.

Član 8. (Zapisnik)

O provedenom žrijebanju vodi se zapisnik u skladu s odredbama Zakona o upravnom postupku.

Član 9. (Audio i videosnimanje)

(1) Tok žrijebanja se snima audio i videotehnikom i evidentira u zapisniku o provedenom žrijebanju.

(2) U zapisnik se unosi ko je i u čije ime vršio audio i videosnimanje i mjesto gdje će se nalaziti snimci s tog snimanja.

(3) Audio i videosnimanje žrijebanja, audio i videodokumentacija o provedenom žrijebanju čuvat će se u Centralnoj izbornoj komisiji BiH zajedno sa zapisnikom o provedenom žrijebanju.

Član 10. (Prigovor)

(1) U toku postupka žrijebanja, kao i po provedenom žrijebanju, nezadovoljna strana može izjaviti prigovor Centralnoj izbornoj komisiji BiH.

(2) Izjavljeni prigovor službeno lice unosi u zapisnik.

(3) O izjavljenom prigovoru odluku donosi Centralna izborna komisija BiH.

POGLAVLJE III. PRESTANAK MANDATA IZABRANOM ČLANU ORGANA VLASTI PRIJE ISTEKA VREMENA NA KOJE JE IZABRAN

Odjeljak A. Načini prestanka mandata

Član 11.

(Prestanak mandata – član 1.10 stav (1) Izbornog zakona BiH)

Izabranom članu organa vlasti na svim nivoima vlasti u Bosni i Hercegovini prestaje mandat prije isteka vremena na koji je izabran na način kako je to definirano u članu 1.10 stav (1) Izbornog zakona BiH.

Član 12.

(Obrazac za utvrđivanje prestanka mandata OB-1 – član 1.10 stav (3) Izbornog zakona BiH)

(1) Centralna izborna komisija BiH utvrđuje izgled obrasca za utvrđivanje prestanka mandata izabranom članu organa vlasti OB-1.

(2) Obrazac iz stava (1) ovog člana, čini sastavni dio ovog Uputstva i sadrži sljedeće podatke:

- a) logo Centralne izborne komisije BiH,
- b) naziv i adresu organa vlasti
- c) ime i prezime izabranog člana organa vlasti
- d) politički subjekt,
- e) dužnost izabranog člana organa vlasti,
- f) razlog za utvrđivanje prestanka mandata izabranom članu organa vlasti,
- g) prilog,
- h) potpis podnosioca zahtjeva/prijedloga, sa brojem telefona za kontakt,
- i) potpis i pečat predsjednika/predsjedavajućeg nadležnog zakonodavnog organa vlasti
- j) uputstvo za popunu obrasca.

Član 13.

(Procedure za postupanje)

(1) Izabrani član organa vlasti, kojem mandat dodjeljuje Centralna izborna komisija BiH u skladu sa Izbornim zakonom BiH, ostavku na mandat podnosi Centralnoj izbornoj komisiji BiH putem nadležnog zakonodavnog organa vlasti, na obrascu OB-1. Izabrani član organa vlasti u ostavci dužan je obrazac, čitko i u potpunosti, popuniti i osigurati da obrazac potpiše i predsjednik/predsjedavajući nadležnog organa vlasti, te da na obrazac stavi pečat.

(2) Ako je izabrani član organa vlasti kojem mandat u skladu sa Izbornim zakonom BiH dodjeljuje Centralna izborna komisija BiH opozvan, predsjednik/predsjedavajući nadležnog organa koji je proveo postupak opoziva dostavlja Centralnoj izbornoj komisiji BiH izvještaj komisije za provođenje postupka opoziva s kompletnim materijalom, radi provjere da li je postupak opoziva proveden u skladu sa Izbornim zakonom BiH.

(3) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog smrti, predsjednik/predsjedavajući nadležnog organa vlasti, čitko i u potpunosti, popunjava obrazac OB-1, stavlja pečat, i sa Izvodom iz matične knjige umrlih dostavlja ga Centralnoj izbornoj komisiji BiH radi utvrđivanja prestanka mandata.

(4) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog pravosnažne sudske presude kojom je osuđen na kaznu zatvora u trajanju od šest mjeseci ili duže, zbog pravosnažne sudske presude kojom mu je izrečena sigurnosna mjera zabrane obavljanja određenog zanimanja, djelatnosti ili dužnosti koja predstavlja funkciju izabranog člana u organu vlasti ili zbog pravosnažne sudske presude kojom mu je izrečena kazna koja za pravnu posljedicu osude ima prestanak te službene dužnosti i prestanak tog radnog odnosa, predsjednik/predsjedavajući nadležnog organa vlasti, odnosno Odsjek za izbore Centralne izborne komisije BiH, po saznanju za pravosnažnu osudu, čitko i u potpunosti, popunjava obrazac OB-1, i zajedno s pravosnažnom sudskom presudom dostavlja ga Centralnoj izornoj komisiji BiH radi utvrđivanja prestanka mandata. Na obrascu OB-1, koji je popunio predsjednik/predsjedavajući nadležnog organa vlasti, obavezno mora biti stavljen pečat.

(5) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog pravosnažne sudske odluke kojom je lišen poslovne sposobnosti, Odsjek za izbore Centralne izborne komisije BiH, na osnovu službeno pribavljene dokumentacije, čitko i u potpunosti, popunjava obrazac OB-1 i zajedno s pravosnažnom sudskom odlukom dostavlja ga Centralnoj izornoj komisiji BiH radi utvrđivanja prestanka mandata.

(6) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog izbora ili imenovanja na funkciju čije je obavljanje nespojivo s funkcijom izabranog člana određenog organa, Odsjek za izbore Centralne izborne komisije BiH ili predsjednik/predsjedavajući nadležnog organa vlasti, na osnovu službene evidencije, ili saznanja pribavljenih na drugi način, čitko i u potpunosti, popunjava obrazac OB-1, stavlja pečat nadležnog zakonodavnog organa, i zajedno s aktom o izboru ili imenovanju dostavlja ga Centralnoj izornoj komisiji BiH radi utvrđivanja prestanka mandata.

(7) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog odjave prebivališta s područja izborne jedinice u kojoj je upisan u Centralni birački spisak da glasa i u kojoj je izabran, istekom roka od šest mjeseci od dana odjave prebivališta, Odsjek za izbore Centralne izborne komisije BiH, na osnovu službene evidencije, čitko i u potpunosti, popunjava obrazac OB-1 i zajedno s odjavom prebivališta izabranog člana organa vlasti, dostavlja Centralnoj izornoj komisiji BiH radi utvrđivanja prestanka mandata.

(8) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog gubitka prava da bude biran iz razloga utvrđenih zakonom, Odsjek za izbore Centralne izborne komisije BiH, na osnovu službenih evidencija, čitko i u potpunosti, popunjava obrazac OB-1 i zajedno s pravosnažnim aktom o utvrđivanju gubitka prava izabranog člana organa vlasti da bude biran dostavlja Centralnoj izornoj komisiji BiH radi utvrđivanja prestanka mandata.

(9) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog nepostupanja u skladu s odredbama članova 1.8a, 1.8b ili 1.8c Izbornog zakona BiH, Odsjek za izbore Centralne izborne komisije BiH ili predsjednik/predsjedavajući nadležnog organa vlasti, na osnovu službene evidencije ili saznanja pribavljenih na drugi način, čitko i u potpunosti, popunjava obrazac OB-1, stavlja pečat nadležnog zakonodavnog organa i zajedno s dokazima dostavlja ga Centralnoj izornoj komisiji BiH radi utvrđivanja prestanka mandata.

(10) U ostalim slučajevima podnošenja ostavke izabrani član organa vlasti kojem mandat dodjeljuje Centralna izborna komisija BiH u skladu sa Izbornim zakonom BiH ostavku može podnijeti Centralnoj izbornoj komisiji BiH ili nadležnom organu, koji je dužan obavijestiti Centralnu izbornu komisiju BiH o podnesenoj ostavci.

Odjeljak B. Postupak utvrđivanja prestanka mandata

Član 14.

(Odluka – član 2.9 stav (1) tačka 14 Izbornog zakona BiH)

(1) Centralna izborna komisija BiH donosi odluku o prestanku mandata izabranog člana organa vlasti na svim nivoima neposrednih i posrednih izbora u Bosni i Hercegovini, obuhvaćenih Izbornim zakonom BiH, te vodi i prethodni postupak, ako je potrebno, o utvrđivanju činjeničnog stanja (u slučaju kada je izabrani zvaničnik podnio ostavku, da je to učinio svojom voljom).

(2) Ovlašteno lice iz Sekretarijata Centralne izborne komisije BiH utvrdit će telefonskom razgovoru sa izabranim članom organa vlasti svojevrijnost podnesene ostavke i o tome sačiniti službenu zabilješku.

(3) Centralna izborna komisija BiH donosi odluku o prestanku mandata izabranom članu organa vlasti i dodjeli mandata sljedećem kvalificiranom kandidatu sa liste iste političke stranke u roku koji ne može biti duži od 15 dana od dana kada su nastupili razlozi za prestanak mandata, odnosno od saznanja o razlogu za prestanak mandata i o tome obavještava izabranog člana organa vlasti kojem prestaje mandat.

(4) Prije nego što dodijeli mandat sljedećem kvalificiranom kandidatu, Centralna izborna komisija BiH provjerava kod Apelacionog odjela Suda BiH da li je nezadovoljna strana u roku od dva dana od dana prijema odluke podnijela žalbu na odluku Centralne izborne komisije BiH o prestanku mandata izabranom članu organa vlasti i dodjeli mandata sljedećem kvalificiranom kandidatu sa liste, osim u slučaju kada je mandat izabranom članu organa vlasti prije isteka vremena na koje je izabran prestao u skladu s odredbom člana 1.10 stav (1) tačka 1. i tačka 3. Izbornog zakona BiH.

(5) U slučaju prestanka mandata izabranom članu organa vlasti opozivom, Centralna izborna komisija BiH provjerava odluku nadležnog organa o prestanku mandata, kako bi se osiguralo da je mandat izabranog zvaničnika prestao u skladu sa Izbornim zakonom BiH.

Član 15.

(Dodjela mandata i Uvjerenje o dodjeli – član 9.10 i 2.9 stav (1) tačka 10. Izbornog zakona BiH)

(1) Nakon što Centralna izborna komisija BiH donese odluku o utvrđivanju prestanka mandata izabranom članu organa vlasti i dodjeli mandata narednom kvalificiranom kandidatu, odluke se dostavljaju strankama u postupku.

(2) Kvalificirani kandidat će uz odluku dobiti i obrazac izjave, koji propisuje Centralna izborna komisija BiH, kojom prihvata ili odbija mandat, a koji će uredno popuniti i dostaviti Centralnoj izbornoj komisiji BiH u roku od sedam (7) dana od dana prijema odluke i Izjave. Ukoliko prihvati mandat, Centralna izborna komisija BiH će, po pravosnažnosti odluke i u skladu sa članom 9.10, 9.12h, 10.8, 10.17, 11.8 i 11.14, odnosno članom 13.6 Izbornog

zakona BiH, izvršiti dodjelu mandata kvalificiranom kandidatu i izdati Uvjerenje o dodijeljenom mandatu, u skladu s članom 2.9 stav (1) tačka 10. Izbornog zakona BiH.

(3) Izabranom članu organa vlasti, kao i kandidatu kojem se dodjeljuje mandat, Centralna izborna komisija BiH će dostaviti i obavijest o obavezi i načinu popunjavanja i dostave obrasca Izjave o imovinskom stanju, koju su isti dužni popuniti i dostaviti Centralnoj izbornoj komisiji BiH u roku od 30 dana, u skladu sa članom 15.8 stav (1) i stav (2) Izbornog zakona BiH.

(4) Centralna izborna komisija BiH će, nakon što izvrši dodjelu mandata, kopiju Uvjerenja i pravosnažnu odluku o prestanku mandata izabranom članu organa vlasti i dodjeli mandata sljedećem kvalificiranom kandidatu dostaviti organu u kojem je kvalificirani kandidat dobio mandat.

Član 16. **(Početak trajanja zamjenskog mandata)**

(1) Članu organa vlasti kojem je dodijeljen mandat, umjesto člana organa vlasti kojem je prestao mandat u skladu s članom 1.10 Izbornog zakona BiH, mandat teče od dana pravosnažnosti odluke kojom mu je dodijeljen mandat, ukoliko prethodno prihvati mandat.

(2) Odluka o dodjeli mandata iz stava (1) ovog člana, sa pravnom poukom, objavljuje se na internet-stranici Centralne izborne komisije BiH, www.izbori.ba i smatra se da je sa danom objave dostavljena svim učesnicima u izbornom procesu, osim članovima organa vlasti iz stava (1) ovog člana, kojima se odluka dostavlja u skladu sa članom 15 stav (1) Uputstva.

Član 16a. **(Način dostavljanja pismena)**

U postupku dodjele i prestanka mandata, izabranim članovima organa vlasti na svim nivoima, sva pismena se dostavljaju po pravilu putem pošte, lično osobi kojoj su namjenjena, te putem faksa, a samo izuzetno ličnim preuzimanjem u sjedištu Centralne izborne komisije BiH, uz prethodnu najavu nadležnoj službi Sekretarijata Centralne izborne komisije BiH.

POGLAVLJE IIIa MIROVANJE MANDATA

Član 16b. **(Mirovanje mandata – član 1.8a Izbornog zakona BiH)**

Lice koje je izabrano u zakonodavni organ bilo kojeg nivoa vlasti u Bosni i Hercegovini mandat može staviti u mirovanje na način kako je to definirano u članu 1.8a Izbornog zakona BiH.

Član 16c. **(Procedure za postupanje i donošenje odluke)**

(1) Lice koje je izabrano u zakonodavni organ bilo kojeg nivoa vlasti u Bosni i Hercegovini, a obavlja izvršnu funkciju, podnosi Centralnoj izbornoj komisiji BiH, na obrascu MM-1, zahtjev za stavljanje mandata u zakonodavnom organu u mirovanje, o čemu obavezno obavještava zakonodavni organ u koji je izabran.

(2) Lice iz stava (1) ovog člana dužno je obrazac MM-1, čitko i u potpunosti popuniti.

(3) Lice koje podnosi zahtjev za mirovanje mandata, isti je dužno podnijeti prije konstitutivne sjednice zakonodavnog organa u koji je izabrano.

(4) Centralna izborna komisija BiH donosi odluku o mirovanju mandata lica koje je izabrano u zakonodavni organ vlasti i dodjeli mandata sljedećem kandidatu sa iste liste sa koje je izabrano lice sa mandatom u mirovanju, te vodi i prethodni postupak, ako je potrebno, o utvrđivanju činjeničnog stanja.

(5) Mirovanje mandata stupa na snagu petog dana od dana podnošenja pisanog zahtjeva za mirovanje mandata, o čemu Centralna izborna komisija BiH donosi odluku.

Član 16d.

(Aktiviranje mandata u mirovanju)

(1) Najkasnije u roku od 8 dana od dana prestanka obavljanja izvršne funkcije, lice koje je stavilo mandat u mirovanje može podnijeti pisani zahtjev na obrascu MM 2 Centralnoj izbornoj komisiji BiH o aktiviranju mandata u mirovanju odnosno o ponovnom obavljanju svog mandata.

(2) Centralna izborna komisija BiH donosi odluku o aktiviranju mandata i prestanku mandata kandidatu kojem je dodjeljen zamjenski mandat u roku koji ne može biti duži od 15 dana od dana podnošenja zahtjeva za aktiviranje mandata i o tome obavještava podnosioca zahtjeva za aktiviranje mandata i lice kojem prestaje dodjeljeni zamjenski mandat.

Član 16e.

(Početak trajanja zamjenskog mandata)

(1) Članu organa vlasti kojem je dodijeljen mandat, umjesto člana organa vlasti kojem je mandat stavljen u mirovanje, mandat teče od dana donošenja odluke kojom mu je dodijeljen mandat, ukoliko prethodno prihvati mandat.

(2) Odluka o mirovanju mandata i dodjeli mandata sljedećem kvalificiranom kandidatu iz stava (1) ovog člana, sa pravnom poukom, objavljuje se na internet-stranici Centralne izborne komisije BiH, www.izbori.ba i smatra se da je sa danom objave dostavljena svim učesnicima u izbornom procesu, osim članovima organa vlasti iz stava (1) ovog člana, kojima se odluka dostavlja putem organa vlasti u kojem je kvalificirani kandidat dobio mandat.

Član 16f.

(1) Uvjerenja o dodjeli mandata članovima Predsjedništva Bosne i Hercegovine, poslanicima oba doma Parlamentarne skupštine Bosne i Hercegovine, poslanicima oba doma Parlamenta Federacije BiH, poslanicima Narodne skupštine Republike Srpske i delegatima u Vijeće naroda Republike Srpske, mogu uručiti predstavnici Centralne izborne komisije Bosne i Hercegovine, na konstitutivnoj sjednici navedenih organa, po njihovom zahtjevu.

(2) Način i vrijeme uručivanja uvjerenja o dodjeli mandata za članove kantonalnih skupština i načelnike/gradonačelnike, vrši se na osnovu odluke Centralne izborne komisije BiH, donesene nakon konsultacija sa kantonalnim/općinskim/gradskim organima.

POGLAVLJE IV. PRELAZNE I ZAVRŠNE ODREDBE

Član 17.

(Sastavni dio ovog Uputstva)

Sastavni dio ovog Uputstva su:

- a) Obrazac OB-1 iz člana 12. stav (1) ovog Uputstva;
- b) Obrazac PPU-1 Izjave o prihvatanju ili odbijanju mandata i
- c) Obrazac PPU-2 potvrde o prijemu Uvjerenju o dodjeli mandata
- d) Obrazac MM - 1 – Zahtjev za stavljanje mandata u mirovanje i
- e) Obrazac MM – 2 -Zahtjev za aktiviranje mandata.

Član 17a.

(Upotreba izraza u muškom i ženskom rodu)

Riječi koje su radi preglednosti u ovom Uputstvu, navedene u jednom rodu, bez diskriminacije se odnose i na muški i na ženski rod.

Član 18.

(Prestanak primjene)

Danom stupanja na snagu ovog Uputstva prestaje sa važenjem Uputstvo o dodjeli i prestanku mandata ("Službeni glasnik BiH", broj 37/14) i Uputstvo o izmjenama dopunama Uputstva o dodjeli i prestanku mandata ("Službeni glasnik BiH", broj 29/18).

Član 19.

(Propisi obuhvaćeni ovim uputstvom)

Ovo uputstvo obuhvata Uputstvo o dodjeli i prestanku mandata („Službeni glasnik BiH“ broj 27/22), Uputstvo o dopunama Uputstva o dodjeli i prestanku mandata („Službeni glasnik BiH“ broj: 77/22), Uputstvo o izmjenama i dopunama Uputstva o dodjeli i prestanku mandata („Službeni glasnik BiH“ broj: 78/22), Uputstvo o izmjenama i dopunama Uputstva o dodjeli i prestanku mandata („Službeni glasnik BiH“ broj: 26/24) i Uputstvo o dopuni Uputstva o dodjeli i prestanku mandata broj: 05-1-02-2-563-1/24 od 03.05.2024.godine.

Član 20.

(Objava u službenim glasilima)

Ovo Uputstvo objavit će se u "Službenom glasniku BiH", "Službenim novinama FBiH", "Službenom glasniku RS", "Službenom glasniku Brčko distrikta BiH" i na web-stranici Centralne izborne komisije BiH www.izbori.ba.

Broj: 05-1-02-2-564-1/24

Sarajevo, 03.05.2024. godine





Na osnovu člana 2.9 stav (1) tačka 14. i člana 1.10 stav (3) Izbornog zakona Bosne i Hercegovine i člana 12. Uputstva o dodjeli i prestanku mandata, Centralna izborna komisija Bosne i Hercegovine je u t v r d i l a

OBRAZAC ZA UTVRĐIVANJE PRESTANKA MANDATA IZABRANOM ČLANU ORGANA VLASTI KOJEM MANDAT DODJELJUJE CENTRALNA IZBORNA KOMISIJA BiH

Šalje: _____
(Naziv i adresa organa vlasti)

Predmet: **ZAHTJEV/PRIJEDLOG ZA UTVRĐIVANJE PRESTANKA MANDATA**

Ime i prezime člana organa vlasti: _____

Dužnost izabranog člana organa vlasti: _____

Politički subjekt: _____

RAZLOG ZA UTVRĐIVANJE PRESTANKA MANDATA IZABRANOM ČLANU ORGANA VLASTI
(Popuniti samo jedno polje):

(Popunjava izabrani član organa vlasti, kojem mandat dodjeljuje Centralna izborna komisija BiH)

Lična ostavka: _____
(razlog za podnošenje ostavke)

(Popunjava predsjednik/predsjedavajući nadležnog organa, odnosno Odsjek za izbore Centralne izborne komisije BiH, ukoliko oni podnose zahtjev/prijedlog za utvrđivanje prestanka mandata)

- | | |
|--|---|
| <input type="checkbox"/> Opoziv | <input type="checkbox"/> Pravna posljedica osude |
| <input type="checkbox"/> Smrt | <input type="checkbox"/> Izbor na nespojivu funkciju |
| <input type="checkbox"/> Osuda na kaznu zatvora | <input type="checkbox"/> Odjava prebivališta |
| <input type="checkbox"/> Lišenje poslovne sposobnosti | <input type="checkbox"/> Gubitak prava da bira i bude biran |
| <input type="checkbox"/> Sigurnosna mjera zabrane obavljanja dužnosti | <input type="checkbox"/> Nepostupanje po odredbama članova 1.8a, 1.8b ili 1.8c Izbornog zakona BiH |

Prilog : _____

Datum: _____

M.P.

Potpis podnosioca zahtjeva/prijedloga
sa brojem telefona za kontakt

Potpis i pečat predsjednika/predsjedavajućeg
zakonodavnog organa vlasti



UPUTSTVO ZA POPUNU OBRASCA

(Izvod iz Uputstva o dodjeli i prestanku mandata - član 13. Uputstva)

- (1) Izabrani član organa vlasti, kojem mandat dodjeljuje Centralna izborna komisija BiH u skladu sa Izbornim zakonom BiH, ostavku na mandat podnosi Centralnoj izbornoj komisiji BiH putem nadležnog zakonodavnog organa vlasti, na obrascu OB-1. Izabrani član organa vlasti u ostavci dužan je obrazac, čitko i u potpunosti, popuniti i osigurati da obrazac potpiše i predsjednik/predsjedavajući nadležnog organa vlasti, te da na obrazac stavi pečat.
- (2) Ako je izabrani član organa vlasti kojem mandat u skladu sa Izbornim zakonom BiH dodjeljuje Centralna izborna komisija BiH opozvan, predsjednik/predsjedavajući nadležnog organa koji je proveo postupak opoziva dostavlja Centralnoj izbornoj komisiji BiH izvještaj komisije za provođenje postupka opoziva s kompletnim materijalom, radi provjere da li je postupak opoziva proveden u skladu sa Izbornim zakonom BiH.
- (3) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog smrti, predsjednik/predsjedavajući nadležnog organa vlasti, čitko i u potpunosti, popunjava obrazac OB-1, stavlja pečat, i sa Izvodom iz matične knjige umrlih dostavlja ga Centralnoj izbornoj komisiji BiH radi utvrđivanja prestanka mandata.
- (4) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog pravosnažne sudske presude kojom je osuđen na kaznu zatvora u trajanju od šest mjeseci ili duže, zbog pravosnažne sudske presude kojom mu je izrečena sigurnosna mjera zabrane obavljanja određenog zanimanja, djelatnosti ili dužnosti koja predstavlja funkciju izabranog člana u organu vlasti ili zbog pravosnažne sudske presude kojom mu je izrečena kazna koja za pravnu posljedicu osude ima prestanak te službene dužnosti i prestanak tog radnog odnosa, predsjednik/predsjedavajući nadležnog organa vlasti, odnosno Odsjek za izbore Centralne izborne komisije BiH, po saznanju za pravosnažnu osudu, čitko i u potpunosti, popunjava obrazac OB-1, i zajedno s pravosnažnom sudskom presudom dostavlja ga Centralnoj izbornoj komisiji BiH radi utvrđivanja prestanka mandata. Na obrascu OB-1, koji je popunio predsjednik/predsjedavajući nadležnog organa vlasti, obavezno mora biti stavljen pečat.
- (5) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog pravosnažne sudske odluke kojom je lišen poslovne sposobnosti, Odsjek za izbore Centralne izborne komisije BiH, na osnovu službeno pribavljene dokumentacije, čitko i u potpunosti, popunjava obrazac OB-1 i zajedno s pravosnažnom sudskom odlukom dostavlja ga Centralnoj izbornoj komisiji BiH radi utvrđivanja prestanka mandata.
- (6) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog izbora ili imenovanja na funkciju čije je obavljanje nespojivo s funkcijom izabranog člana određenog organa, Odsjek za izbore Centralne izborne komisije BiH ili predsjednik/predsjedavajući nadležnog organa vlasti, na osnovu službene evidencije, ili saznanja pribavljenih na drugi način, čitko i u potpunosti, popunjava obrazac OB-1, stavlja pečat nadležnog zakonodavnog organa, i zajedno s aktom o izboru ili imenovanju dostavlja ga Centralnoj izbornoj komisiji BiH radi utvrđivanja prestanka mandata.
- (7) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog odjave prebivališta s područja izborne jedinice u kojoj je upisan u Centralni birački spisak da glasa i u kojoj je izabran, istekom roka od šest mjeseci od dana odjave prebivališta, Odsjek za izbore Centralne izborne komisije BiH, na osnovu službene evidencije, čitko i u potpunosti, popunjava obrazac OB-1 i zajedno s odjavom prebivališta izabranog člana organa vlasti, dostavlja Centralnoj izbornoj komisiji BiH radi utvrđivanja prestanka mandata.
- (8) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog gubitka prava da bude biran iz razloga utvrđenih zakonom, Odsjek za izbore Centralne izborne komisije BiH, na osnovu službenih evidencija, čitko i u potpunosti, popunjava obrazac OB-1 i zajedno s pravosnažnim aktom o utvrđivanju gubitka prava izabranog člana organa vlasti da bude biran dostavlja Centralnoj izbornoj komisiji BiH radi utvrđivanja prestanka mandata.
- (9) Ako izabranom članu organa vlasti, kojem mandat u skladu sa Izbornim zakonom BiH dodjeljuje Centralna izborna komisija BiH, mandat prestaje zbog nepostupanja u skladu s odredbama članova 1.8a, 1.8b ili 1.8c Izbornog zakona BiH, Odsjek za izbore Centralne izborne komisije BiH ili predsjednik/predsjedavajući nadležnog organa vlasti, na osnovu službene evidencije ili saznanja pribavljenih na drugi način, čitko i u potpunosti, popunjava obrazac OB-1, stavlja pečat nadležnog zakonodavnog organa i zajedno s dokazima dostavlja ga Centralnoj izbornoj komisiji BiH radi utvrđivanja prestanka mandata.
- (10) U ostalim slučajevima podnošenja ostavke izabrani član organa vlasti kojem mandat dodjeljuje Centralna izborna komisija BiH u skladu sa Izbornim zakonom BiH ostavku može podnijeti Centralnoj izbornoj komisiji BiH ili nadležnom organu, koji je dužan obavijestiti Centralnu izbornu komisiju BiH o podnesenoj ostavci.

Napomena :

Zahtjev mogu podnijeti: nadležni zakonodavni organ vlasti, odnosno izabrani član organa vlasti

Prijedlog podnosi : Odsjek za izbore Centralne izborne komisije BiH

Obrazac PPU-1



U skladu sa članom 1.3 a stav (3) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), izabrani nosilac mandata, izabran na neposrednim/posrednim izborima, daje

Izjavu o prihvatanju/odbijanju mandata

Ovom izjavom potvrđujem da ja, _____,
(Ime, ime oca, prezime)

- prihvatom
 odbijam (staviti oznaku "X" u odgovarajući kvadratić)

mandat u _____,
(naziv organa u kojem se mandat dodjeljuje)

Razlozi za odbijanje mandata su sljedeći (u slučaju odbijanja mandata):

Broj telefona za kontakt: _____

Datum:

Mjesto:

Potpis:



U skladu sa članom 73. stav (2) i stav (3) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), a u vezi sa članom 2.9 stav (1) tačka 10. Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), potvrđujem

Prijem Uvjerenja o dodjeli mandata

Ja, _____,
(Ime, očevo ime i prezime)

potvrđujem da sam dana _____ godine

primio/la Uvjerenje o dodjeli mandata u _____
(naziv organa u kojem se mandat dodjeljuje)

koje je izdala Centralna izborna komisija Bosne i Hercegovine.

Datum:

Mjesto:

Potpis:



Zahtjev za stavljanje mandata u mirovanje

Na osnovu člana 1.8a Izbornog zakona Bosne i Hercegovine, podnosim zahtjev za stavljanje u mirovanje mandata u zakonodavnom organu, iz razloga obavljanja funkcije u izvršnom organu, te prihvatam da, za vrijeme mirovanja mog mandata u zakonodavnom organu, mandat bude dodijeljen sljedećem kvalificiranom kandidatu.

Izabrani član zakonodavnog organa:

(ime i prezime izabranog člana zakonodavnog organa)

Zakonodavni organ:

(naziv zakonodavnog organa i političkog subjekta)

Izvršni organ i izvršna funkcija koju obavlja:

(naziv izvršnog organa i izvršne funkcije na koju je imenovan)

Mjesto i datum

Potpis podnosioca zahtjeva

Napomena: Mirovanje mandata stupa na snagu petog dana od dana podnošenja pisanog zahtjeva.



Zahtjev za aktiviranje mandata u mirovanju

Na osnovu člana 1.8b stav (1) Izbornog zakona Bosne i Hercegovine, podnosim zahtjev za aktiviranje mandata u mirovanju u zakonodavnom organu.

Izabrani član zakonodavnog organa:

_____ (ime i prezime izabranog člana zakonodavnog organa)

Zakonodavni organ:

_____ (naziv zakonodavnog organa i političkog subjekta)

Izvršni organ i izvršna funkcija koju je obavljao za vrijeme mandata u mirovanju:

_____ (naziv izvršnog organa i izvršne funkcije)

_____ Mjesto i datum

_____ Potpis podnosioca zahtjeva

Napomena: Pisani zahtjev Centralnoj izbornoj komisiji BiH podnosi se najkasnije u roku od osam dana od dana prestanka obavljanja izvršne funkcije.